



3 1761 07066258 0

Rüsdî, Ahmed

Hakayık-ı Kur'aniyeden bir
nebze

BP

130

.6

R84

1884

مکتوبه فیلسفه فی علمیه
و فی ادبیات و فقه

۱۲۶۱

مکتوبه فی علمیه
و فی ادبیات و فقه




مکتوبه فی علمیه

اوله رق حاصل اولان شوق الجاسـيله بو مختصر
رساله بي ترتيب ايلدم .

في ۳ ذى القعدة سنه ۱۳۰۱

سابق قونيه مركز متصرفي

احمد رشدي



وآمداد روحانیت حضرت رسول اللہ متوسلاً
 وملك وملك ترقی سعادت و بالخاصہ ترقی علم
 و معارف حقندہ لطفاً و کرمًا واقع اولان عنایات
 متصلہ و متوالیہ شاہانہ لرندن بحق سلطان سلاطین
 معارف و روان نام معالی اتسامنی حائز اولان امام
 المسلمین امیر المؤمنین ظل ظلیل رب العالمین و خلیفہ
 رحمۃ للعالمین * سلطان عبد الحمید خان ثانی و غازی *
 افندمز حضرت لرنی جناب حق ملک و ملکہ باغشاسون
 و عمر و عافیت و شان و شوکت شاہانہ لرنی مزداد
 بیورسون . ترقی علم و معارف حقندہ ہر آن رایگان
 اولان تمامی اقدام و عنایات و حسن توجهات
 تاجدار یلرینک عالمہ بخش ایتدیکی نور فیض و شوق
 ابراز آثاردن محقق اولان عجز و قصور ملہ برابر
 ناچیزانہ مقدار و اقتدار تجہ مستفیض و حصہ دار

حاوی انواع حقایق اولہ رق ادا بیور مشدر . بودہ
 نہ قدر عظیم و بلیغ معجزہ در . و بالادہ بیان اولنان
 حدیث شریفہ نہ قدر عظیم حقایقی جامع و
 موضحدر . و آیات قرآنیہ و احادیث نبویہ حقایق
 مجهولہ بی تابیک ایکی یوز الی سنہ اول نہ درجہ واضح
 اولہ رق اعلام و بیان بیور مشدر .

امید ایدر مکہ حقایق قرآن و کمالات عظیمہ
 محمدیہ کیدہ کیدہ آنا فنا ہر قوم و ماتک مدققین
 و معقین طرفندن درک و اذعان اولہ رق توحید خالص
 محض و حقایق قرآنیہ و کمالات محمدیہ بی عمومًا قبول
 و تصدیق ایدوب دین قویہ اتباعہ رحمت بعثتک
 تمامی و نور حقیقتک کمالی ایلہ مستنیر و مرحوم
 اولورلر . والسلام علی من اتبع الہدی . توفیق حقہ

مقدر اولدیغی کبی شمسک موقع مخصوصنده مستقر
اولدیغی حالده شمسک تغیر و معطلیتی و او حالده
نشأة اخرانک قیامی مقدردر . مفهوم و حقیقتنه
واضحاً دلالت و اشارت واردر .

ای قارئین کرام حقایق قرآنیہ نک عظمت حکمتنه
دقت بیورک . سبحان من تحیر العقول عن درک عظمت
کبریائنه . اوت ! دلالت و اشارت مبسوطه مستقر
کلمه سنده کی لامک ❀ فی ❀ معناسنه حملی حالده ده
واردر . لکن او اشارت ، او دلالت مذکور لامک
تخصیص معناسنده دهها و اغح و دهها ظاهر در . امعانه
نظرو تفکر بیورکسونکه نیجه تفصیل ایله تفهیم اولنه
بیله جاک بر آلائی حقایق عظیمه یی اوچ کلمه ایله یعنی
❀ و الشمس تجری لمستقرها ❀ عبارة جلیله عذوبه .
سهیله جامع اصناد اولدیغی حالده غایتله و اغح و

شمسك وقوعی درکاردر . و شمسك موقع مخصوص .
صندہ بولنمق حالیلہ موقع مخصوصندہ بولنماق
حالی اولدیغی و جریان و سیران شمس ایسہ آنجق
موقع مخصوصندہ بولنمق حالنہ مخصوص اوله رق
مقدر اولدیغی نظم جلیل مذکورك احکام جلیلہ .
سندن و بو معنایی بووجهلہ و تخصیص و قصر ایله
ادادن و آیات سابقہ و متعاقبہ تعلق و ارتباطدن
شمسك دیگر حالنك ده یعنی موقع مخصوصندہ
اولمیه جق حالنكده و او حالده تغیر و معطلیت سیران
شمسك کہ مبدأ حالت و نشأۃ اخری یعنی روز آخر
یوم قیامت دیمکدر . آنیکده مقدر اولدیغنه دلالت
وارددر و مادۃ اثباتدر . حاصل مفہوم شمس موقع
مخصوصندہ مستقرئۃ اولدیغی حالندہ سیر و جریان
و او حالده نشأۃ اولی نك ❀ دنیا ❀ نك قائم اولمسی

مؤید وماده میندر . و خرده بینان حکمای عسرك
 زوال و فنای عالم حقنده کی اجتهاد و تدقیق و
 تصدیق لری بو معنایه مطابقدر . زیرا شمسك موقع
 و قرارگاه مخصوصندن انحرافی آنجی اسباب ارتباط
 و انتظامك و جاذبه عمومیهك مختل اولمسیله واقع
 اولور .

لكل شیء سببا فاتبع سببا و اختلال اسباب
 ارتباط و انتظام و جاذبه شمسك تغیر و معطلیتی
 و زوال و فنای عالمی موجبدر . كل شیء هالك الا
 وجهه و هر شیءك آنا فنا پذیر اولمقده ایدوکی
 حكمة و فناده ثابت اولمغله شمسك موقع مخصوصنده
 مستقر بولمسنی ایجاب ایدن اسباب مادی و
 جاذبهك ده فنا و زوال پذیر اوله رق تغیر و معطلیت

اولان خلق و تکوینم آنلره بر آیت باہرہ در کہ الی
آخرہ ۛ دیمک اولور . اللہ اعلم بومعنادہ حقیقت
حال شمسی بیاندن بشقہ فنای عالم قیام قیامت
و وقوعنہ دہ واضحا اشارت و مادۃ دلالت و اثبات
وارد ر . زیر ا جناب قدیر جل شانہ حضرت تلی
شمسک جریان و سیرانی شمسک ہر حال و اوضاعندہ
تقدیر بیور میوب آنجق کندوسنہ مخصوص اولان
موقعندہ مستقرہ بولمنسنہ مربوط و مخصوص قبیلش
و اوصورتدہ ارادۃ الہی و قضاء ربانی جریان ایتمش کہ
شمس موقع مخصوصندن انحراف جائدہ سیرو
جریاندن معطل قالہ جفی ضروریدر . و بومعنا
بروجہ مبسوط ہم سوق آیات بیناتہ موافق و ہمہ
علامات ساعات حقندہ کی اخبار واردہ دن بریسیکہ
تغیر و معطلیت شمسدر آنکدہ وقوعنی و حکمتنی

اتباعہ مسارعتلہ تأمین عاقبت ایتلمیدر لر ﴿۱﴾ اللہ اعلم
 بردقیقہ دہا لمستقر کلمہ سمنده کی لام جارہ یی ﴿۲﴾ المال
 لزید ﴿۳﴾ دہ کی لام جارہ مثللو تخصیص معناسنہ حمل
 ایدر ایسہ ک۔ چونکہ جناب حق نظم جلیل مذکور
 و آیات سابقہ و متعاقبہ الیہ وحدانیتنی و قیام قیامت
 تصدیق و ایمان ایتلمیچون بر طاقم دلائل باہرہ اتیان
 وعلاہات واضحہ ارانہ و بیان بیورمش ایدو کنندن
 لامی معنای تخصیصہ حمل ایتمک دہا ابغ دہا ادق
 و سوق آیات سابقہ و متعاقبہ یہ دہا انسب و اوفق
 اولور۔ زیرا بوصورتدہ معنای نظم جلیل ﴿۴﴾ شمس
 جریان و سیر ایدر۔ آنک سیر و جریانی ہر حال
 و اوضاعندہ اولیوب آنجق کندوسنہ مخصوص
 اولان موقع و قرار کاہندہ مستقرہ بولنمسنہ مخصوص
 اولمق اوزرہ تقدیر ایلدم۔ بو وجہلہ و بوصورتدہ

اولدینی و مستقر کلمۂ عالیہ سی ایسہ اسم مکان
اولدینی کی کلمۂ مذکورۃ تعقیب ایدن لہا
لفظ شریفناک ضمیری شمسہ راجع اولوب لام
جارہ نیکدہ تخصیص معناسنہ بولنسی لمستقر کلمہ
سندہ کی لامک معنای تعلیلہ دکل فی معناسنہ
اولسنی مرجعہ در بوصورتہ نظم جلیلاک
اجمالاً معناسی شمسۃ کندوسنہ مخصوص اولان
موقع و قرار کاہندہ مستقرہ اولدینی حالہ سیر
و جریان ایدر خلق و تقدیر ایلدم . بو عظیم و بدیع
تکوین و ایجادم آنلرہ بر آیت باہرہ درکہ بو وجہلہ
خلق و تکوینک عظمت و فخامت بدایعنی تفکر
ایدوب مؤمنین موحدینک ایمانلرندہ موجب کمال
وقوۃ اولدینی کی مشرکین و کافریندہ تیقظ و
انتباہلہ و حدانیتمی و قیام قیامتی ایمان و دین قویمہ

و خرده بینان حکما معلومات مستحصلہ و مکتسبہ۔
 لرینی اسلافدن اخلافہ متسلسلاً دور و ایصال الیہ
 تعاون ایلدکری حالہ بیکارلہ سنہ لردر نیجہ میلیون
 علما و حکماء اقوامک چالیشوب چبالہ یوبده آخر الامر
 شویقینلرده تحقیق و تصدیق ایلدکری برحقایقی تا
 بیک اوچیوز سنہ مقدم و جہل وضلائک تمامیلہ
 مستولی و حکم فرما اولدیغی برزمان جہالتدہ بیان
 و ایضاح و اعلان بیورمشدر • بونہ عظیم کمال بونہ
 عظیم معجزہ در • اللهم صل وسلم علی نبینا محمد صلوۃ
 و سلاما یلیق بعظمتہ و کمالہ الباہرہ •

برده چونکہ مستقر کلمۂ جایلندہ کی لامی معنای
 تعلیلہ حملہ قطع الزوم و احتیاج اولدیغی مثل و ظرف زمان
 و مکان اوزرینہ کلان لامک • صمت لیوم الجمعة • ده
 اولدیغی کبی فی معناسنہ کلدیکی اکثر و اغلب

مذکورہ آلائی عظیمی میانندہ کی موقع و قرار کاہ
 مخصوصندہ ثابت و مستقرہ اولوب او آلائی عظیم
 میانندہ کی موقع مخصوصنی تجاوز و اورادن انحراف
 ایتما سیدرہ حاصل مفہوم شمس . قنادیل یعنی شمس
 و اجرام و مکونات میانندہ واقع قرار کاہ و موقع
 مخصوصندہ مستقرہ اولدیغی حالہ مکونات و اجرام
 آلائیک حرکت و سیرنہ اتباعاً جریان و سیران ایدرہ .
 ذلک تقدیر العلیم . بوصورتده نظم جلیل مذکور
 بروجه مبسوط بعض علما جانبندن ایدیلان تأویلاتہ
 قطعاً لزوم و حاجت اولمیوب نظم جلیلیک نص و
 صراحتی حقیقت حالی بیان و ایضاح بیورمشدر .

ای قارئین کرام حقایق قرآن و کمالات محمدیہ
 نظر امعان و دقتاً باقک کہ بیکرلہ سنہ لردر مدققین

دخی شمسك استقراری ثابت و كره ارض كده
 دورانی محقق اولسندن نظم جلیل مذ كورده کی
 كلمه عالیه سنده کی معنای جریانی بحسب الرؤیة دیو
 تأویل ایتش لدرره. حالوکه فحول و معقین ریاضیه و
 حکمانك براهین - دیده مثبته ایله اثبات وكافه
 خرده بینان حکما و ریاضیون و منجمینك یقین زمانلرده
 تصدیق و قبول ایلدکاری بر حقیقت که بالاده اجمالاً
 بیان اولندیغی اوزره موکب سمسز یعنی عالمجکرمز
 * عالم کلی و مکونات * میاننده کی قرارگاه و موقع
 خصوصنده مستقره اولدیغی حالدہ اجرام مکونات
 آلائیله برابر و آلائیك حرکت عمومیه سنه اتباعاً
 سیر و جریان ایتمکده ایدو کندن شمسك بو صورتده
 سیر و جریانی محقق و استقرار شمس دخی او شمسز
 عالم کلی و مکونات یعنی اجرام وقتادیل غیر معدوده

ناشی حقایق احوال اجرامی تصریح و ایما بیوران
 آیات قرآنی و احادیث نبویه زمانگرنده رایج اولان
 مسالکه تطبیق ضمننده تأویلات واستعمار الله توفیق
 طریقنه کیدوب حقیقت احوال شمسی صراحة و
 نساً بیان بیوران بالاده مذکور آیه کریمه دهکی
 { لمستقر } کلمه جلیلیه لا منی تعلیمه حمل واستقرار شمس
 وقت زوالده یاخود بروج موهومۀ اعتباریه دن جوزا
 برجناک قسم نهایت و سرطان برجناک قسم اولی
 کذاک قوس برجناک قسم نهایت جدی برجناک
 قسم اولی حذرلنده بولندینی زمانگرده یعنی اطول
 نهار وایلیک غایه سی اثنالرده بحسب الرؤیة کانها
 استقرار ویاخود زمان موعوده استمرار دیومستقر
 کلمه جلیلی تأویل واستعاره ایده رک مسالک
 مذکورده توفیق جهتته کتدکاری کبی علماء متأخرین

اوانه میان نور حقایق و توحید و ایمانک تمکین و نشری
 وظیفه مقدسه مهمه سنی حسن ایفایه اصحاب کرام
 رضوان الله تعالی علیهم اجمعین حضراتی کجبه کوندز
 سـمی و اهتمام بیورملرند ناشی نوافل و مملومات
 زائده قیلندن اولان احوال نجرمک حقایق و دقایق
 نشر و اخبار و تفصیل جهته وحی و تنزیلی مشاهد
 و اسرار قرآن و بالذات نور نبوتدن اقتباس حقایقه
 مزایای آیات و احادیثی واقف بولان مشار الیه
 حضراتی سوق سمند آرزو بیورملرند و مشار
 الیه حضراتدن صکره کلان متقدمین علماء امت
 محمدیه دخی زمانلرنده رایج اولان یعنی بالاده بیان
 اولندیغی اوزره کره ارضک ثابت و مرکز عالم اولمی
 و شمسکده اطراف ارضده دورانی و بعضیسیله
 کره ارضک مسطحیتی مثلوه مسالکه سالک اولملرند

وجود و حصولیله قائم اولور . توازن عمومی ایسه
نه دین عتیقك شدتی ونه ده دین متوسطك مسكنتی
ایله قطعاً حاصل اوله میوب آنجق بونلرك تعدیل و
تصحیحیله مقتضیات حصول توازن عمومی ارائه
و تعلیم و امر ایدر کتاب و دین ایله حاصل اولور .
بو حقیقت و بودقیقه یالکز اهل بصائر و نور معارف
و ایمانله منور اولان فضلاجه دكل پك چوق خرده
بینان حکماء اقوامكدخی تصدیق کرده سی اولان
حقاقد ندر .

ایشته بسط اولنان تفصیلاتدن بعثت محمدیه ددی
نور و رحمتك خلاق و موالید و عالمه شمولی و هر
بریسنگ علی حسب فطرتهم حصه دار اولدیغی حاصلی
بعثت محمدیه نك عالمه رحمت و نور اولدیغی ثابت
اولدی . ایشه علویت و عظمتنه حد و نهایت تصور

مسکنتدن منع ونهی ایدهرک عدالت کامله امر
 ایدیور . وحی انسانلر معاملاتندیشقه بری و بحری
 ذی روحه ایديله جاك رافت و شفقت و حسب -
 الاحتیاج تناول و استعماللرنده حد اعتداله کمال
 رعایت امر ایدیور . وحی برای عبادت ایرمق
 صویندن آبدست آنلره بيله صوینی اسرافدن منع
 ایدیور . وموالیدك نشرو نما و اعمار و محافظه سنه
 اهمی و بذر و افغاندن احترازی امر ایدیور . وحی
 بقای انواع و افراد ایچون جناب خانقك مباح
 وفطرة مبذول بیوردیغی صووهوانك اسراف و
 افسادندن منع ونهی ایدیور . و علم و حکمتك تعلم
 و تلقیسنی و حکمت و عدالتله معامله ایدلمسنی امر
 ایدیور . لا رطب ولا یابس الا فی کتاب مبین
 مبرهندرکه بقای انواع و دوام نظام عالم توازن عمومینك

و اتلافی امر و نشدید ایدیور . و بوزکله ده تسکین
 شدت ایده میهرک مملکتک و ابنیه لرینک تماماً هدم
 و تخریب و انقاضنک خارجه طرد و طرحی قطعیا
 و شدیداً امر ایدیور . و حتی کندی قوم و مذهب لری
 افرادنن بریسنک برقصور یچون یننه او قوم و او
 مذهب افرادنن نیجه بیک نفوسک اعدام و اتلافی
 واجب قلیور . دین متوسط یعنی بین النصاری
 متداول اولان اناجیل مسیحیه ایسه تمامیه کتاب
 عتیقک عکسنی امر ایدیور . مثلاً بر آدم یوزیکی
 اور رسه او بر یوزیکی ده آکا چویره کی امر ایدیور .
 بوده محض مسکنتدر . و بدیهیدر که ننام عالمک
 دوامی نه شدت ونه ده مسکنتله حاصل اوله نز . زیرا
 توازن عمومی مختل اولور اختلال توازن موجب
 فساد عالمدر . دین عالی محمدی ایسه شدتدن

اولمشدر . و بونک آثار فعلیہ و وجہ و دیہ سی نیجہ
 میلیون نفوسک سرعت سریعۂ فوق العادہ الیہ قبول
 توحید و اسلام و نیجہ بلاد و امصارک مدت قلیلہ
 ظرفندہ دارالامان ایمان و عرفان اولسیلہ دہ ظاہر در .
 ورحمۃ للعالمین افندہ زک بعثت رسالت پناہیلرندہ کی
 رحمت یالکزانسانہ مخصوص و مقصور اولیوب خلاق
 و موالیہک کافہ سنہ شامل و آنلر دہ حصہ دارد .

شویلہ کہ کافۂ اقوام علمانجہ تحقق ایتمش
 حقایقندر کہ دین تیت یعنی کتاب موسی
 علیہ السلام اول قدر شدید در کہ کند و قوم لرندن
 اولمیان اقوام سار ددن و طناری اوغورندہ محاربہ
 ایدن قومک داخل صفوف محاربہ اولمیان رضیع
 وصی و رجال و نسا و پیرو برنا و علما و علما سنی کافۂ
 قتل و اعدامد نبشقه دواب و مو اشیلرینک قتل

و مطلب حقیقتہا تمکین و نشری و وظیفہ مهمناک
 حسن ایفاسنہ اہتمام تام بیوردیلر . وحقا کہ او وظیفہ
 مقدسہ عظیمہ بی کما ہی حقہا ایفا بیوردیلر کہ سکنہ
 ارضاک خلیسی نور ایمان و توحیدلہ منور و سعید
 و خلیسیدہ صیت بعثت و دعوت توحید محض و
 ایمانی استماعلہ مستعد ہدایت و باقیسیدہ برر کونا
 حس الہ متحسس یعنی حسب اقتدار و استعدادہم
 کمیسی اعتقاد و مسلکندہ شہدہ دوشہرک حق
 و حقیقتک تحریرسنہ میل و کمیسی عاقبت و تفصیل
 معلوماتہ ترقب مثللو کونا کون فیکر و تصوّرہ
 دوشہرک افکار خلائقہ برر کونا انقلاب و حس
 حاصل اولمش و الحاصل رحمۃ للعالمین افندمزلک
 بعثت وصیت دعوت رسالنہا ہیلرندن خلق جہانک
 ہر بریسی استعدادی و جہلہ برر کونا حصہ دار رحمت

القدس نامیلہ اقنوم ثلثہ اسنادی مثلوا اعتقادات باطلہ
 و مشرکہ دہ بولند قلرندن رحمة للعالمین افندمزلک
 بعثت ہمایونلری خالق توحید محضہ دعوت
 و خلقت سالک اولد قلری مسالک ضالہ و اعتقادات
 باطلہ دن تخلص و طریق سعادتہ ارشاد و جہانی
 استیلا ایدن ظلمت جہل و ضلالی نور توحید و عرفان
 و صباح صیت بعثت و ہداسیلہ تنویر بیور مق
 مصلت عظیمہ سیچون اولدیغندن و توحید خالصک
 تمکینی و ظلمت جہل و ضلالتک ابطال و ازالہ سیلہ
 تنویر جہان و خلقی طریق سعادتہ اہدا و ارشاد
 اصل مقصد و اہم مطلب اولوب احوال نجومک
 نقل و نشری مقصد اصلی جملہ سندن اولیوب نوافل
 و معلومات زائدہ قیلندن بولمسنندن اصحاب کرام
 رضوان اللہ علیہم اجمعین حضراتی مقصد اصلی

بیوردی • تقریباً اوچیز سنه دبرودر نجوم و
 جغرافیا و هندسه و ریاضی و حکمت علمانجه کشف
 و بالتدقیق فنا تحققت ایدوب ریب و شبهه قالمیه جق
 درجه ده اثبات و عموماً قبول اولندیغی اوزره
 شمسک قراری و کره ارضک حرکت یومیه سندن
 بشقه اطراف شمسده ده دورانی ثابت اولوب بو
 حقیقت اوچیز سنه اولنه قدر تماماً قبول اولنه میوب
 کره ارضک مرکز عالم و ثابت و آنک اطرافنده
 شمسک دورانی و ده اولارنده ارضک مسطحیتی
 و افلاک اتصالی مثلوا اعتقادات و توهماتک تسلط
 و استیلا سی حسبیه و چونکه نبینا صلی الله علیه و سلم
 افندمز حضرالرینک بعثت و رسالت نبوتیناهیلری
 زمان جاهلیتده شرفوقوعبولوب یعنی سکنه کره
 ارضدن کمیسی الهک تعددنه کمیسی اب، ابن، روح

عالمجکزی حاویدر • وفی حدیث مرویہ ؑ ان الله خلق الف الف قنديل وعلقه بالعرش والارض والسموات حتى الجنة والنار كلها في قنديل واحد ولا يعلم ما في باقي القناديل الا الله ؑ اجرام كائنات ومكونات مبرهن ومصدق اولان جاذبه عمومي اقتضاسي اوزره كليات وعموميتيله فضا ايجنده سائرہ ودورانده دائمه اولوب شمسز دخي موکيله مكونات مياننده ومكوناتك اجزاسندن بولنمسييله موقع مخصوصننده مستقره وبالطبع مكوناتك حركات و دورانه تابعه اوله رق دوران اتمکدهدر •

جناب حکيم مطلق حضرتلری عظمت و بدايع خلق و تکوینندن بمضیسنی تعداد و فحامت بدايعی بیان صرہ سنده سورہ ؑ یس ؑ ده استعین بالله ؑ والشمس تجری لمستقر لها ذلك تقدير العزيز العليم ؑ

باری بی نہ کوزل ایضاح بیورمشدر • ایشته اصل
 بودر • و کافۃ مجازات و مکافات شرعیہ نک اسباب
 جملہ سندن بولنان سعی و عملہ مبتنی اولسی ہب اصل
 مذکورک نتیجہ سیدر • کلمہ ذکر اولنان • عالم کلی •
 ویا • مکونات • اجزاسندن بولنان اجرامہ : اجرام
 تعبیر اولندیگی کبی اصحاب فن • شمس • دخی تعبیر
 ایدرلرکہ قابل تعداد اولہ میان شمسدن ہربری
 مواکیلہ برر عالم اولق اوزرہ قبول اولنش و
 موکبی قطارندہ بولندیغز شمسزکہ کرک بر کرک
 متعدد شاطر واقاری حاوی ویاخود پیک و اقماردن
 مجرد و عاری برطاقم سیاراتی محتوی بر ہیئت
 مخصوصہ درکہ او ہیئت • مکونات • یاخود
 • عالم کلی • نک اجزاسندن برعالمجکزدرد • و عالم
 کلی و مکونات نیجہ نیجہ میلیون و میلیار

ووجود پزیر پر ای ظہور و ملکوت اولور ❀ لکل
 شیء سبیا فاتبع سبیا ❀ نظم جلیلی اوزرہ وجود
 واحوال و کیفیات و حوادث والحاصل شیء اطلاق
 اولسانک ظہور و وجودی بہمہ حال علت و سببہ
 مربوط بولنمسی حقندہ علم ازلی و ارادۃ الہی سبقت
 ایش و اوصورتدہ عادت باری جریان ایشدر .
 آنک خلائی واقع اولق یعنی علتسز و سببسز وجود
 وحدوث واحوال و کیفیاتک ظہوری ممتنع و محالدر .
 ❀ ولن تجد لسنة الله تبديلاً ❀ وبقضیہ کافۃ حکما
 نزدندہ مصدق و مسلمدر ❀ قل کل يعمل علی
 شاکتہ ❀ ❀ فطرة الله التي فطر الناس علیہا لا تبدل
 خلق الله ❀ نظم جلیلاری الیہ ❀ اطلبوا الحوائج بعزۃ
 النفس فان الامور تجري بالمقادیر ❀ حدیث شریفی
 و امثاللری احکام علم ازلی و ارادۃ الہی و عادت

قارئین کرامدن رجا ایدرم و بورسالہ یہ • حقایق
 قرآنیہ دن پر بندہ • اسمنی و یردم و من اللہ التوفیق •
 معلومدرکہ علوی و سفلی اجرام کائنات مجذائیرھا
 اثیر ایچنیدہ کائتہ و مقدار و تعدادی وقوع امکان
 و تصور دن خارجه اولان او کائنات او اجرام جاذبہ
 عمومیه اقتضاسی عمومیتیلہ و کلیاتیلہ سائرہ و دائرہ در •
 ایشتہ بو کائناتہ • عالم کلی • و • مکونات • دیمکله
 تعبیر اولنور • شوراسیدخی ثابت و معلومدرکہ جناب
 حکیم مطلق حضرتتری افراد کائنات و اجرامک
 هر بریسندہ منفردا و احدهما اخرک اجتماع و مقابله
 و مقارنتی مثلوا اوضاع و احوانہ مخصوص نیچہ نیچہ
 خواص بدیعہ و اقتضا تودیع و اضممار بیورمشدرکہ
 کائنات و ما فیہا احوال و کیفیات و حوادث ما کان
 و ما یكون ہب او وودیۃ بارینک علیتیلہ معلول

حقایق قرآنیہ دلائل بر نبیہ

بِسْمِ اللَّهِ الرَّحْمَنِ الرَّحِيمِ

الحمد لله رب العالمين والصلوة والسلام على نبينا
محمد بعث نورا ورحمة للعالمين وعلى آله واصحابه الذين
جهدوا لنشر الدين واحكام القرآن وبلغوا شمس
حقيقت الحقايق الى مشارق الارض ومغاربہ حتى
وفقوا تنوير العالم على قدر استعداد انواعه وافراده
حسب فطرتهم في الاستفاضة بنور شمس الحقيقت
والعرفان . اما بعد اكرجه اشبوخته عمر رساله بي قلبه
آدم ومحقق اولان عاجز لغم وبضاعه سزلغم حسبيله
واقع اولان خطا و قصور مك علنا تصحيح وقابل عفو
وتأويل اولان نفقتمك دخی عفو وتأويل بيور لمسني

حقایق قرآنیہ دن برنبذہ

Rusdu, Ahmed
Hakāyik - ^{اثر} Kurāniyeden
احمد رشدی
bir nabe
[سابق قونیه مرکز متصرف]

برنجی دفعہ

معارف ۴۰ میہ نظارتک رخصتیہ طبع ایدلشد

قسطنطنینہ

۱۳۰۲

مطبعۃ ابوالضیا

5100

20/104

BP

Rüsdî, Ahmed

130

Hakayık-ı Kur'anîyeden bi

.6

nebze

R84

1884

PLEASE DO NOT REMOVE
CARDS OR SLIPS FROM THIS POCKET

UNIVERSITY OF TORONTO LIBRARY

UTL AT DOWNSVIEW



D RANGE BAY SHLF POS ITEM C
39 10 13 07 09 004 4